

皇清文穎續編

皇清文穎續編卷五十三

詩

樂府

皇太后七旬萬壽敬擬

聖舞雅樂九章

謹序

于敏中

臣聞太和醞釀周浹寰宇嘒嘒然世壽人樂軒
龔登春侯其禕矣

皇帝仁孝契於

旭卉德澤覃於絃埏合萬國權以介

純祐歲辛巳冬十一月洪惟我

聖母皇太后七旬萬壽景貺顯燦元苞闡珍厥惟履
端之旦曜緯躔若珠璧用兆蕃祉於時六幕清
晏羣生乂寧

豐功旣成奄有昧朔拓地二萬餘里增戶口以數億
萬計幅員之長土宇販章之厚詩人所爲綏弗
祿而溯發祥鋪張隆茂未有若斯之盛者也中

外之人殷然懽忻環集都下以斬犴情祝

釐郊闡景融經環雲蔚

皇帝乃具法從掖

安輿自

苑禦蒞乎

璿宮臣民鞠脰延跂咸額手而頌

聖人之孝

聖母之福如其隆且備也越諏吉日上

徽號錫

慶恩景風翔洽兆庶闡暢

皇帝於是法

祖制奉

家慶

令辰稱觴

躬自起舞山龍有奕周旋中度祇祇怡怡歡洽左右

次及親王

皇子

皇孫額駙循序以進駢舞應節自始迄成因九疇
而重之先是所司具儀以聞

皇帝曰予敬迓醇和忻侑

康爵履泰彰順用備聲容其母以他樂陳惟是我禁
衛諸大臣共襄厥事於是階序上下冠佩翼如
搏拊克諧升歌交作聲闋以愷翕然元音

聖母悅頤惟億萬年

皇帝誠孝亦惟億萬年夔乎茂哉考之軒庭肇舞雲
門嗣是咸池大磬美盛章備皆以詠功德而未
及祝嘏漢魏以還上壽有曲亦惟王公所以壽
天子而天子上壽尊親樂舞之制則自雅頌以
來未備斯典竊以舞者所以導和以鳴天地之
豫於焉篤保佑而申大介其義至鉅其道至賅
昔老萊子韋布下土斑斕娛親艷稱簡冊矧以
聖人膺蘿圖昭黼黻

躬自舞蹈申慶

慈寧爰逮

天室懿親共承燕樂豈區區綵衣孺慕可髣髴其

萬一哉

臣忝侍

禁近恭際

盛儀歡飲惓忱非長言詠歌所能罄敬按古介雅

之義依

喜起舞樂章之製徵實詮次撰爲

聖舞雅樂九章以獻竊附期門遂歌之末致頌禱云
昊天延洪福我

聖母

皇帝起舞躬上

萬壽於鑠

昌期元會兆符一六相生萬有權輿歲德迪康悉新
已盛厥初誕祥自

天申命仲冬肇律根本黃鍾迎長日至

春暉有融圖疇之積推策五五

令節履綏以篤

純嘏

一章

至哉坤元

聖母之德受福溥長惟萬惟億

仁慈惠和洽于萬邦萬邦允懷誕膺

天慶

肅肅雝雝

宮庭式訓

文母徽音昭茲令問本支繩繩裕雲初矣麟之振振
詒翼承矣

受祐孔多聿彰大順積厚錫光惟

聖毓

聖二章

猗歟我

皇孝思不匱以天下養

尊親之至

慈宮有那夏清冬溫問

安日三朝於

寢門如山如川曰樂而壽相厥攸寧式

循

沼囿岱崧維嶽淮海維揚

大安載蒞民說無疆英英油雲陰彼臺麓

皇于介

釐以祈馘穀

三章

仁壽之世四海會同東漸西被喁喁向風至於流沙
越二萬里奔奏來庭綏予

燕喜昆崙以西版圖適新于思于思共惟

帝臣荒服旣賓任土作貢闢我田疇教之播種播種
惟時乃大有秋曰屢豐年實函來牟

四章

大宛之池有馬斯臧物之差之牝於

天房泉幣伊府肴核伊旅有來獻琛逖矣西土僭侏

備奏充庭有林鞦褭司只聿懷好音樂作

功成江沱鐘應采玉于闐和聲依磬鏘鐘鏘鏘特磬
鏘鏘簾業在縣時惟

景祥

五章

地不愛寶

天貺用昭璣衡之正熙績維

堯時月正日七政循軌如璧斯重如珠斯綦太史占
之曰惟床徵奉策以告稽首

帝廷

皇帝曰都瑞則誠有錫羨卜祚在我

聖母僉拜且賀

德惟

天監

聖母曼壽

皇帝至誠

六章

矚彼弧南光華有爛

壽考作人爲章雲漢太和在宇熙熙如春華衢嬉樂
期頤之民國有耆臣黃髮台背齒以引年翊是嘉會
嘉會維何九老作朋歲越二千

萬年以增

帝庸作歌載賡載繪扶杖來遊

繁禧用介

七章

迺撰吉日迺晉

徽稱洪惟

恭懿

寶冊是承萬國承

歡歡心胥合紉纓雲達麗茲

聞闔習習

芳園溶溶長河

愛日之徵藹然春和衢則有歌圻則有儻

龍驂前導以翼

鑾輅

叶

和鑾瑤瑤

華旂陽陽天行星陳通臻

壽康

八章

壽康拜慶

錫類湛湑

九陞式燕皇哉

聖舞

長筵旣具簫韶九成

天子上

壽載抃以興

龍袞雍容式如金玉奉

觴愉愉以侑

苐祿旅舞成列禮隆

天家

眉壽維祺和樂且嘉南陔升歌

聖舞有繹惟億萬年

慈壽多益

九章

皇太后七旬萬壽新樂府九篇

董邦達

坤德厚

第一

頌

慈徽也漢樂章有媪神蕃釐之頌言地道之廣生敬

衍其意四言一章十有八句

於昭太極坤儀定位靜而德方厚以配地旣綏

大德爰厚

多福德爲福基福因德沃譬之江河有導其源如彼
卉木有流其根源遠必長根茂必蕃

天錫純嘏億載萬年

大孝備矣至哉

坤元

慶璇源 第二

頌

毓聖也

聖聖相承續無疆之業推本

慶祥三四五八言一章十有七句

函夏際昇平我

皇肇洪構自王公卿士越爾疏附後先奔走外薄四海奉賁琛罷斥埃天下熙熙旣庶而富誕

一人之慶迺

懿德是懋三朝侍

宸儀六膳調清酌灼灼四照花煌煌九莖秀赤水握

元珠用

錫天下壽

皇武 第三

美武功也往者叩蹙阻兵

天戈戡定今則西被流沙極於二萬餘里皆入版圖
皇威丕振超軼前古三四七言一章二十有二句

維歲在卯冉駹肆侮勿貢旄牛潛通醬茹

皇旅闐闐有赫斯怒一鼓而下膏我齊斧乃

眷西顧朔方是城絕大小升空南北庭蠢爾嘿啜遠
持大夏梯舞崇墉械負廣野太一張旗厥祿天馬天
馬徠

明堂開

帝臨中央暢九垓舒長化日登春臺

西域朝 第四

美綏遠也

聖謨廣運威惠兼施回部舉族內附底貢麋至三七

言一章十有五句

裹渾脫出服匿凹晴帕首突髻髻部種名王自馬默
宅爾宅田爾田頌爾太府騰格錢焚香膜拜依

日邊綠玉河崑崙外五色鱗編浮瑞靄斲成圭璧獻
天子拾遇

慈官介燕喜立本新裁職貢圖西去陽關二萬里

琳宮祝 第五

述

西巡也五臺佛域極樂祝

釐敬奉

安輿載行春狩三五七言一章十有七句

佛說妙蓮花獅林峙五朶莊嚴七寶地是成福慧果
鑾輿來展青旗奉

金根大澤施道恒陽由代北復田租減供億因春行
慶宣

慈麻金光瑤草鋪南疇諸天花鬘迎

珠旒旃檀蕙香祝

壽豈以八千歲爲春秋

大成樂 第六

美宮懸也鍾鐘特磬始備其全作樂崇德用揚
景鑠三四五七言一章十有八句

聲以鐘振以磬鄒嶧有微言大成集至聖

皇德膺圖苞符耀采鐘出西江玉生西海範鳧氏錯
磬師六同六律嶰竹吹小者不窺大不楸股二鼓三

弦無虧八音鏘鏘列軒墀鏗匄雲響羣器隨詘然而
止聲遲遲四廂先奏上

壽詞中和大化躋雍熙

王會圖 第七

美同樂也城西市陌臣民各以其地祝延洵昇
平嘉會五七言一章十有六句

華蓋五色雲飄飄西城陌三條集雕甍萬戶潤金碧
臣工肅冠簪方岳朝芾舄神山則芳靈鼇驅中有羣

仙遊方壺九枝燈影香流蘇魚龍曼衍戲都盧鉤天
廣樂聲貫珠似聞

萬歲雲中呼

至尊親向

玉輦扶嘉爾萬衆誠心輸

詔恩滂洋給大酺金匱重考王會圖

長生籙

第八

晉

鴻號也六上

徽稱崇隆莫尚更升

寶冊以介

洪禧三四五七言一章十有五句

啟金符鏤玉檢

尊親天下崇

慈福宮闡範東溟浩蕩南山崔巍亭育萬類覆燾三

才

龍衣戲綵樂未央奉場

懿德揮

天章赤文綠字探銀潢縱錦什襲宣明光遂開黼幄
輦霞漿長生寶籙白

天錫萬年枝上迎初陽

七曜同輝

第九

美天瑞也日月五星聯珠合璧見在三元之始

正逢

萬壽之年符貺響臻良非偶爾五七九言一章十

有六句

在昔有虞氏重光重輪又重輝

皇握大寶臨太微紫宮黃道明璿璣孟陬之月萬象

始靈臺秘苑占不違日煜煜兮耀采月穆穆兮舒波

宿四七而散布惟五星以中羅臣聞王者有至德五

紀協應四氣和况茲體元當上日又屆

景福圖呈河

天庥

聖治兩符合敬祝

萬年眉壽南山弢

皇太后七旬萬壽樂章二十七首

謹序

彭元瑞

臣聞孝經援神契曰天子之孝曰就就之爲言

成也夫德爲

聖人之

親尊爲

天子之

母備物致養以承

歡心禮之盛也若夫有道之世天不愛其道地不愛
其寶人不愛其情下蟠上際孝德允乎懿鑠鴻
朗斯極軌與欽惟

皇太后陛下大德邇福

皇帝陛下至仁隆孝均依古所未有恭逢

七旬萬壽億禩一時迺月正元旦二曜同晷五緯相

汗暨

聖節之明日正當履長日至之期天符協矣古鐘出
於南國玉磬產於和闐邊屯告稔瑞麥十倍地
珍貢矣登職貢之圖者二萬里而遠與九老之
會者二千歲有奇人瑞臻矣合天地人三者以
丕應

孝治猗與盛哉其斯所謂就乎

皇帝方祇肅怡愉以迓

純嘏導

金根進玉食

躬親起舞晉

徽稱之寶冊賡介

壽之

天章羣臣百姓外及四裔君長喁喁熙熙惟無疆之

慶臣謹按我

朝大樂有豫平益平履平三章以爲

慈闈陞座行禮還宮之奏固已雲咸煥響韶濩同和

方今

皇帝躬行

大慶凡諸典禮皆可以播之金石垂諸永永

臣

又伏

惟古者衢歌巷祝雖辭意鄙淺不合聲律然而

抒下情鳴私豫亦所不廢竊不自揆依約前製

敬撰樂章九奏合九如致祝之詞每奏三章取

三壽作朋之義

臣

誠歡誠喜以上

皇太后啟輦之樂

慈寧篤祜萬國

母儀軒由附寶皞出華胥福崇

彤幄慶集

璿闥奕奕

盛典以介崇禧天地並隆

壽考維祺

斗轉初陽月盈三五奉

大安興發軔仙圃瑞雲浮
葢和風揚組雅雅魚魚周
羅鹵溥雷動天隨春回九土

萬壽之山層霄直上長河
瀾迤晴波澹蕩水靜雲痕
山排

天仗罨靄祥烟鳳城在望
維億萬年

皇居大壯

皇帝躬導之樂

聖孝備矣典盛禮崇有愉
者色有婉者容翼轂扶輪

不懈益恭

金根

親侍玉勒徐從依依

色笑乃懌

軒衷

廣陌三條建章萬戶四照奇花恒春仙樹楷矢肱車

南金西旅重譯梯航奔走

闕下有來于于鼙鼓軒舞

大宛之馬以駕

鸞輶闕河之玉以和錫鈴

慈寧樂只雲旂綵旂

皇躬前導孺慕斯形維億萬年左右

彤庭

皇帝視膳之樂

我

皇孝養三土食萬方大官宿設廣筵旣張湛湛金莖雲

液天漿有觥而兕有爵而康

皇則奉之介

壽無疆

珍盛周鼎蕙長

堯厨香稻再熟春酒百觚三英芝草九節菖蒲雙仁
杏進三果盤鋪

孝以備物

志養是娛

「上野系」

1. **Introduction**
 2. **Methodology**
 3. **Results**
 4. **Conclusion**

皇帝起舞之樂

慈歡旣洽式歌且舞七德綴兆兩階千羽匪

躬是親

壽觴曷舉其惟

聖人聲律身度用克娛

親亦云法

祖

椒塗煜爚蘭殿網組

龍袞祿纚綵袖續紛載舞載蹈繹繹紘紘動乎自然

慈顏聿欣

孝思作則惟我

大君

肅肅宗潢濟濟懿親亦有含節諸孫振振進旅退旅

三耦具陳俯仰抗墜以從

一人維億萬年南陔永循

皇帝躬進冊寶之樂

治登軒昊慶篤嫔任

九重歸善推本

徽音乃晉

鴻號儀度恪欽寶範精鏐冊鏤青琳發揚

懿美莫不照臨

如幄仰瞻

堯門初闢瑞牒喜呈瑤階敬卽拜手稽首嘉禮罔忒
恭則壽符

懿乃文德祝

壽安宮與天無極

睿藻載賡

洪慈敬述體演連珠屏張

璇室六十四卦大衍虛一景鑠

天文皇皇裔裔維億萬年頌聲洋溢

羣臣上

壽之樂

維

皇出治丕冒臣鄰維

皇太后厚福深仁凡百執事趨集

紫宸華簪朱紱戎冠影紳卷阿保定詠德含淳

大法小廉內勤外慎以事

一人是謂大順懿維

慈仁延洪溥駿昌熾頌賡臺萊雅進俾我臣工

天顏日近

錫類推

恩被於有位晉爵加封榮及世世內外命婦閭散羣
吏跼迓

慈軒歡聲動地維億萬年

德歌旣醉

萬民上

壽之樂

齋淪汪濊

澤普

仁周含哺以嬉鼓腹以遊九街日麗雙闕雲浮酌以
衢尊臨以醕樓共祝

慈壽百祿是道

十有二州赤縣神臯多黍多稌樂土樂郊百歲老人

擊壤逍遙羣黎徧德其樂陶陶與和氣遊從祥風翔
玉帛西巡旣康旣殖獻歲發春惠此南國翹首跂足
望

恩幸

澤耕食鑿飲畋田宅宅維億萬年同瞻

宸極

四裔土

壽之樂

帝德廣運出入無雷東漸西被北燮南諧邇安遠至
罔不畏懷南車所指亥步所迴歸

大一統

慈福無涯

昨歲西平布昭

聖武二萬餘里咸歸我土河上靈槎天西獨樹職方
開圖舌人傳語傑休兜離登歌樂府

皇遵

懿訓德威四沛凡我臣僕薄海內外雲集麋至來襲
冠帶日月升恒俾昌而大維億萬年共歸

王會

普天同

慶之樂

慈寧萬壽天協厥符朗朗合璧纍纍連珠千秋上瑞
太史載書履長屆節翌日乃孚

先天弗違眡汝挈壺

慈寧萬壽地貢厥珍金鐘玉磬上達

帝闕磬咸允叶簾業斯陳百昌旣遂萬寶旣繁日大有年暨于邊屯

慈寧萬壽人臻厥瑞九老參三嘉遊拜

賜古貌在圖

鴻章下逮耄耄祝

釐

熙朝盛事維億萬年三才合契

聖駕南巡衢謠四十章

謹序

于敏中

皇帝法

祖省方掖

輦行慶於乾隆二十有七年三舉

南巡盛典以正月十有二日

啟蹕迄五月四日

旋軫京師大禮既成中外臣庶莫不舞蹈詠歌形容

美盛

臣

敏中備員

禁近叨列扈從於凡

展義施惠

宣綸摘藻幸得恭聆而敬識之而經涉衢陌間耄孺
軒輦發音之情觀記尤悉讚述揄揚益不自已
竊聞帝堯之世化洽民樂遊於康衢而兒童有
謠爾雅曰徒歌謂之謠韓詩章句曰無章曲曰
謠故其辭質而其意摯夫義存紀載事隸名實
據臆導愉莫切於此臣固不敢效揚雄相如夸

述曼詞而已謹白

孝養推恩

翁河觀海諸大端以及遠懷邇安神人悅豫之隨事
而見者按次臚陳擬爲衢謠四十章以自附於
愚蒙順則之末至若察吏治課農桑引高年簡
軍實留漕糴造士惠商宥旨頒賚與夫紀山川
之勝抒茂對之懷宏綱細目視

前巡有加者累牘莫竟槩未敢複綴焉班固有言採

遊童之謹謠第從臣之嘉頌庶幾仰繪萬一微
信方來云爾

祝

釐謠

歲壬午

皇太后壽開八袞

皇帝祇奉

金根巡幸南國以洽

慈慶臚民歡作祝

釐謠

歲陽辰次疇福聿兼以介

慈釐麗於弧南如山之祝南國是占迓

大安興呼

萬歲三

蠲逋謠

大駕將發

詔免江南浙江逋賦復以浙江舊欠較少益蠲積年

緩征丁漕以均

惠澤作蠲逋謠

帝昔巡辛與丁先展輪

渥賚行

帝三幸澤浔仍宿負蠲劑均平

蕃衛謠

西域旣平受吏典屬回部郡王霍集斯等並列

扈從作蕃衛謠

鸞旗時邁花門雲護帕首屬橐籥

皇之路進彼父閭供桂栢

隨車謠

清蹕所經貸郡邑今年租十之三復

優免山東河南災黎積欠作隨車謠

乘時觀民豐施滂租十之三

省維正

叶

復除寧惟

入疆慶

一遊一豫民所望

同樂謠

駐蹕良鄉以上元將屆

賜扈從及送

駕諸臣宴並設燈火俾民縱觀同樂之義也作同樂謠

皇歡洽從臣浹樂矣大酺角徵翕百戲供引魚龍樂

哉于蔦閭閻同

繩伎謠

回部人善繩伎隨從所至

命於衢涂設之示萬姓觀作繩伎謠

都盧善緣彼回紇修絙亘空峻
撞揭陳伎廣場觀者悅聞百洵不如見一

郊臺謠

良鄉縣南郊臺庚辰春西師凱旋

郊勞所築也

經臨紀什作郊臺謠

崇臺式樹旋師振旅崇臺載經

布澤南行巍乎煥乎於鑠

天聲

上元謠

上元日

上於趙北口行宮侍

皇太后宴并陳六戲昭

令典也作上元謠

淀池如瀛月如綺華鐙璀璨

瓊筵啟

慈顏既愉

天顏有喜

思賢謠

河間道中思賢村舊曰四善漢韓嬰里也

行館新莅

肇錫嘉名作思賢謠

彬彬古河間

行宮樸且敦

撫思昔賢以名村授經之臺歸然存

積雪謠

立春日瑞雪兆豐自京畿達於齊魯至蒙陰猶

見積素作積雪謠

積雪融宿麥滋

眺蒙陰邈以思耕屯渥聞伊犁

宿預謠

詔以宿遷諸邑瀕河卑濕歲收多薄

優貸民籽種作宿預謠

睠彼沮洳如傷

厓懷貸之籽種毋俾汙萊力田逢年以阜我財

鼓腹謠

念去秋被水郡邑賑期將畢

特加展一月民資鬴食作鼓腹謠

去年水耕鮮餘大發倉廩我歡我餉冬水歸壑春興
奮鼓我腹兮亦旣樂胥

省耕來止復我歡我餉給一月糧升斗儲鼓我腹兮
自今以始咸樂胥

渡河謠

渡河前夕大風比曉頓息恬波利涉嘉神佑焉

作渡河謠

半夜岸鼓濤向曉波盪鏡昭茲河伯靈繫我

天子聖

木龍謠

河臣高晉議建木龍刷沙因

臨清口指示其處勗之以詩作木龍謠

木龍之而刷沙是宜爾庸勉繼欽哉

訓辭

揚舡謠

過寶應日風稍駛從舟或有相觸致損者

命眎其等差資之榜人皆揚舡鼓歌而進作揚舡謠
擊汰兮中流理我帆槳兮旣繕且調喜過望兮載
德以游

徠遠謠

哈薩克陪臣來貢計其里程

諭赴維揚

行在入

覲俾知東南風景作徠遠謠

職貢遠暨哈薩克陪臣入

覲遡南國廣陵鄂畚同光宅一哉

皇心殷保赤

舟師謠

京口將軍陳水操江中

上臨閱令哈薩克陪臣預觀作舟師謠

颿檣闐駛於江之津乘流光洸電激霆震叶聞我威
稜式是遠人

春晴謠

江南每多春雨今年獨晴霽迎

輦韶光羣情咸暢作春晴謠

常時江南春雨多今來江南春晴和柔桑薰陌麥秀
坡江南樂陽春歌風光韶藹

青旂過

旅舶謠

詔江浙二省水程及

旋蹕時

皇太后御舸所莅並毋止邊行舟旅人忻悅作旅舶

謠

旅舶言遡川塗迤邐旣見

龍艫不我呵止不我呵止樂哉行李

吳閶謠

蘇州市衢故窄萬姓瞻仰者常夾擁

御蹕歡呼載道

上顧而樂之不令斥禁作吳閶謠

吳閶屋鱗接交衢不盈尺縱彼瞻就民擁路紛拜跪

吳儂喜慣識

聖顏依依親戴殷於前

南湖謠

嘉興澤國也南湖爲大煙雨樓在焉

登臨覽風進撫

臣

賡吟宣意作南湖謠

南湖菴秀千頃明環湖居者織與耕高樓結賞

天藻賡宜烟宜雨兼宜晴

安瀾謠

幸杭州之翼日卽減從兼程

親閱海塘時大吏以老鹽倉尤值潮溜請易柴爲石
試之沙澀不受椿碇移內則妨民廬舍爰

命加修柴塘議增其值俾薪易屬而工永固作安瀾

謠

潮趨北疊薄於鹽官沙不齧木擎石則難屬以薪茭
其鞏如磐增直繕工永底安瀾

漲沙謠

尖塔兩山間禦潮舊壩稍圯

敕先用竹簍防護俟漲沙漸遠改築條石數日前沙
忽漲起立標誌其處閱日遣視復增三尺餘作
漲沙謠

尖山內捍塔山旁翼潮頭激射賴壩逼石撻先投繼
條石神哉漲沙日以積指顧魚鱗蜿蜒接

叶

春潮謠

浙潮爲天下壯觀至輒以時

閩塘日潮先期至川効靈也作春潮謠

三月三日潮信大

帝臨觀海海若賀海若賀羣龍趨銀濤如山日未晡

湖隄謠

西湖周四十里海寧下河並資灌溉

幾餘咨詢水利

遊豫所及無非事者作湖隄謠

三牖宣緒六井同潤兮西湖之利厯

清問兮柳隄花港非所論兮

膏雨謠

駐湖上日膏雨應時潤滋菜麥

怡情結攬不在空濛山色間作膏雨謠

時雨之油油霑我封疇曩惜春泥滑今喜春膏優

採茶謠

龍井擅湖山之佳民以茶爲業葺

行館於此

遊憩適一觀之作採茶謠

採茶龍井邊清泉何涓涓竹鑪待新煎酌之冽且甘

叶

採茶龍井側壠瓏攢秀石

巖館茶烟颺罨以風篁碧

崇儉謠

敕嗣後車駕經臨之地所司惟葺繕埽除毋事踵飾

作崇儉謠

吳山越水惟清斯美錦市繡達增飾矣爲茅茨松棟

堯禹是誦

崇儉黜華飭爾有家

金灣謠

湖河諸水由金灣入江

親臨籌示機宜節宣永賴作金灣謠

運河挾湖南入江金灣宣洩流淙淙中牐增壩引河
拓西灣落低清水淪

清口謠

清口弗暢洪湖疏洩爲難而五壩過水下河尤
病

詔定高堰水誌準以七尺五寸視誌增長隨時展拓
洵良法也作清口謠

清口蓄敵黃濁膠柱者流憚折策清口䟽湖尾閘五
壩弗溢下河蘇清口治視水誌遞增一寸拓丈計清
口寬洪澤安抽薪

睿謨垂不刊

高堰謠

高堰自濟運壩迤北向沿土隄

救易以輒屬於運口作高堰謠

高堰屹屹甃以甃運口旣屬延袤萬尺漲漚拍隄安

得隙

六塘謠

命䟽濬六塘下游理其淤漫復設官董之俾無廢事
作六塘謠

六塘爲經諸河緯宜流剔淤相地勢鹽河之利消蓄
異

集思廣益董以丞吏

安舟謠

上將幸徐州閱河

特命親藩等扈

皇太后由水程還都以臻安豫作

安舟謠

帝勤民

躬先勞邁沛銅馳

鸞鑣

帝養

志程就逸

御安舟

起居適津路平南風輕候清和發

蘭旌

雙隄謠

徐州城西新石隄及北岸土隄皆

上所指畫也慶績成而民賴作雙隄謠

南隄石北隄土雙隄東河直如縷刷泓衛田其利溥

言言彭城民以父寧

唐灣謠

詔唐家灣引河一視清口新規啟閉兼濬下游濰河
俾無淤墊作唐灣謠

徐州迤西毛城東唐家灣與濰河通水誌準清口倒
勾宣其壅荆橋微湖利無窮

泮池謠

幸曲阜展拜

闕里

駐古泮池博考史籍

親製證疑一篇勒石以識作泮池謠

今年

辛泮官前年歌在泮在泮

武策勲泮官

文倬漢

登岱謠

歲事南州

旋輿登岱作登岱謠

登泰山而遠望東扶桑西月朧版圖日廓萬方內
相如之文張說之碑何足尚

德水謠

駕駐德州日

皇太后安舟亦蒞敬迓至

行宮問

安視

膳慰

依慕焉作德水謠

德水梁川陸經

六飛之來

鳳艚是承詢

安行殿調膳馨雍容怡愉敬慰

慈寧

運河謠

恩縣運河上承漳衛之水伏秋汛漲每波及下

游景州

命勘拓東岸壩口兼濬減水支河醴流入海俾無下

濫作運河謠

漳衛既合轉漕逮之上游弗疏漲曷綱之導以歸墟
沽口汰之廣川循流下隰賴之

天中謠

巡典既周適當天中令節薰風隨

輦萬姓鳴歡作天中謠

六龍發乘棣通

六龍旋屆天中

夙戒有司水嬉毋供采彼謳謠康衢之童歌自南揚
薰風

聖駕三巡江浙迎

鑾樂十章 謹序

劉星煒

乾隆二十六年十有一月

聖母皇太后七旬萬壽百禮胙飭萬靈縕豫越明年
孟陬奉

安輿憲紫官巡朱方江塙海隅沐浴鴻澤罔不樂胥

微臣
時奉使

命得從守土吏鞠脰道左快觀

景旭又常學於舊史氏以陳詩爲職業誠懽誠忭稽

首頓首謹言
臣聞聖人之德莫大於孝又曰豫

順以動故夫地如之逃稽昊穹生民秉錄司契
肇自太皇氏開治二萬八千歲或云四萬五千
厯算之盛無有倫比然已駕雲祇車覆露六幕
挺桐萬物厥後軒耆黃姚第祿單厚而封岱禮
河九土爰厯非好勞勩誠以大鈞圓運缺北輪
困惟周游而棣通之故能和天倪闡

靈繹也

皇上孝德純懋尊富之美莫不畢致以奉

慈豫西傾遐逝

列祖所不賓我

皇遣一旅之師

指授方畧草薶而禽獮之昧莫之區莽曷之野內面

請吏至於二萬里

璇闈悅穆大奏愷樂昭陽之歲七政同度以符春王

三始五德之運斯蓋員靈方祗符同合契致

寶命於

聖皇而

聖皇復虔鞏勞謙上介福於

文母則藻局黼帳璇題玉英之中而已百神受職萬
靈仰鏡矣惟時吳越之老進曰

皇上紹聞

祖烈再莅南土侗儂俚僂登之大庭跂踵遙睇者五
載於是曩已申

明詔戒前部靈臺珍館宿設以俟一隅有眚懼納之

隍而回軫豈伊屢豐而虛子孫也

天子惔然動容乃展軫效駕納置吏之請歷星紀之
次青陽三月林芳川媚光景咸覩烝徒不驚所
以承

慈徽娛

愛景者徇衆欲而時陳之覃

渥恩綿

聖鑑者渙大號而普賚之俾虔輦之象凝承純固萬

萬禩靡有紀極邦其永孚於休茲事體大而德

澤淋也

小臣

愚昧作爲樂章其於鴻烈景炎無

當萬一願比於矇眊之義推本

孝德以明祇福之所自

皇帝御極以來逢國大慶輒舉省方之典烝黎咸說

爲景

翠華第一

景

翠華氓之忱自我生南疆穰樂湛湛屬有慶

帝澤臨歲徒維羌燿心越汁洽迓

鸞驂憬準夷獯以燭

輅載巡德洽南底定回部以迄於今熙

景炎澍

德音駢

睿圖福孔壬星連緯烏合蟾于南之分炯以暹宜受
祉逮庶黔侯不邁哉維日夕以頌

聖母七旬萬壽覃恩錫類爲廣蕃釐第二

蕃釐廣矣壽考長矣允文昭武

彤黼毓祥令德壽豈葭鐘叶陽隆禮蕃蕃輯慶丕成
璇闕肇初迄於萬疆行蒞南畿諧民所望八會娑舞
三宮環商幣綵啡啡霞壁庚庚榮泉載芬合穗載馨
膳調以豐愛景有暇率虎拜庭八簣孔穰太始臻瑞
富媪奉祥福草銜枝黃星明明

昭澤泱泱錫羨大盈南民逾熙敬迓

翠輶載頌載祝適申我誠

駕幸江浙省方觀民爲爰轅第三

駕爰轅淮之濟翔螭龍馭雕虎耀葩瑤鳴玉軌叶罕

轟轟旆糾糾叶虬叵陀駟帖爰叶宿勾陳衛元武鶴

控營豹輯旅雨濯塵風被道叶江之南測之左叶黃

者童白者叟叶感

聖皇屢惠我睇景雲瞻玉斗叶

皇之來澤歐紆叶日華煜星轡下芹育香醕載壺叶

迎後車拜江步介祉繁禔福厚

青陽司令春田苗茂爲農祥第四

農祥有晏升於垣東六轡來斯載星以行

叶

維此南

畛克勤厥疆火耨其塍水流其經芄芄者麥無蠆無

稂桃毓其華牛鳴於宮拂拂鳩羽降於青桑耜齒依

簷婦蠶載筐曰日杲杲曰雨斯濛兆用大豐柄執其

端

叶

鬱鬱萑蒲於沚之中爾膏爾腴

帝所成

導河觀海

指授方畧洪波底定爲底瀾第五

底狂瀾治明德錫圭受圖師禹績元功漫漫賁南國

奇相海若靜不忒黃流湯湯淮所歸遠自崑崙經臺

懷沉菱伐木相厥宜舊維底定今來斯叶天闢地局

列兩鉞亘千萬載不湍波叶瀾滄海兮東之遊叶銀

瀛靈霸鑑可持元轂下莫安黃能龍伯謁

帝頻鸞旗呵導濤淀蟠神螭鐫功勒成紀攝提豐碑

嶽嶽紫珠魁

簡兵講武舟師騎卒軍容盛壯爲揚旅第六

揚虎旅振闐闐文治爰以武備不忘在安曦麗營風
靡旃步妮妮騎璘璘甲蒼鱗驟翠環雲集霧合雷馳
電奔陸師止錫海鱣鴻勦澹雲旂往復還騁泮淶濯
滌淪陽侯駭魚牛震東溇桑西崑崙國歧舌域大頻
降其渠來作賓秉七始奉三辰隨

鑾以南繹繹莘莘眩眴掉志曰

皇武甚神敢不永從以無拂於

天

鑾輿周歷民恬景熙爲

皇豫第七

皇情豫江甸麗景嘉南邦自始泊三巡民氣日以充
老者屆耄耄幼者長稚童畝栖餘糧淳室可封華耀
其葩豐枿茸茸崇樓儷軒飛梯環窓勾萌行春暄律
龐洪乘

龍舳駛翠艫眄巉巖瞰碧江淑氣魚魚兆人隆隆以
集茂祉以樂

慈衷

天文周布日華雲燦爲

奎藻第八

奎藻炯炯麗清旻豐碑翠珉昔所闡

叶

撫機觀化握

錦璇有風自南夏薰絃丹巖靈滸象萬千奏欣集豫

刊妙章

叶

金枝碧葉流華雲朱蘭赤桂交閭閭芳烈

積郁輝泉巖

叶

懸黎垂棘揚琛瑛

叶

與前

睿製同斑璘如日抱戴光在中

叶

拜稽首莫敢名被

中雅垂萬年

蕃釐介祉殊祥異瑞絡繹輻輳亘古未有爲集地祲

第九

集地禎篤斯祐昊天澄祇四府南有山波嫋婉出器
車蒸菌乳扇祥風協中候光依韋應矩武

皇之澤沛若雨協神人格上下圭瓚薦壇帖妥

叶

貸

布泉浩若海叶存幼惇錫耆壽渾齊東南靡福不厚
惟志慙飫榮光融冶叶欣欣春臺衍衍燕譽叶

輿情虔祝

聖母萬壽

天子萬壽歲歲巡幸爲曼壽第十

曼壽符協南極紅輪升寶月翌璇樞環瑤星絕

文母聖壽應斯則千斯萬載綿億億西池虎齒擷桃

實

天子萬年推孝德紹

皇祖莅南國儀四游民用懌駕六提坦以適鞠有泉
流滲液俾斯民履壽域歲歲來茲錫馘穀叶天昭地
泰慶

皇澤

聖駕三巡江浙五聲調曲

謹序

戴第元

乾隆二十七年五月四日

鑾輿至自南巡越三日恭迓

皇太后大安輦慶

時巡之禮成也維時甘雨霑濡薰風暢美太和善氣

充溢寰區視始春

啟蹕節序旣移而床嘉之象一焉微臣祇迎道左仰

見

天容有懌

盛典昭宣叨厠詞館幸得颺言謹拜手稽首敬抒

歡忭之忱曰古者巡狩之禮載於虞書著於頌

而子輿氏所述則有君臣相說徵招角招之詩
夫角爲民徵爲事招言徵角不言宮商者非以
民之爲事之至重而不可緩與夫民事重矣必
入君念念不忘小民之依而後率作興事分其
任於庶司百職庶司百職旣任其事雖至大至
精至纖至悉無物不告成於王故第言徵角猶
未溯其原而五聲猶有偏而不全之憾臣謹按
周臣庚信作五聲調曲以歌大業舞成功今讀

其詞叶鐘呂之微順陰陽之序若所云六律既
從八風斯暢善矣而臣竊有進於是者洪惟我
朝靈圖駿業丕顯丕承

皇上膺聰明睿知神聖文武之姿紹

列聖熙洽之候豐功偉烈際地蟠天超軼前古則官
爲律本中聲協焉自朝廷邦國以至閭閻諸政
事經

聖天子宸斷於以範圍不過曲成不遺是故繼之以

徵作心膂耳目股肱者羣臣職也事必任於臣
故次之以商有事必有物故次之以羽凡一時
之舉動一事之經營期於盡美盡善無非爲民
求治且安故繫以角而樂成焉臣伏見
皇上旰食宵衣仁周恩溥沐膏澤而詠勤勞者聲與
風翔隨事可驗若茲之

巡方所紀其大者觀河捍海迫於省供頓崇節儉蠲
租賜復有加無已所以暢九垓而泝八埏導豫

宣和於斯爲至臣故仿於齊招祈於庾信之五
聲準於淮南子所稱宮生徵徵生商商生羽羽
生角之義擬爲歌詞雖未允叶管絃而大生廣
生永躋

仁壽用象我

皇上萬億年悠久無疆我

皇太后萬億年悠久無疆臣誠喜誠說不勝主願

宮調曲

運斗儀天緯執規凝泰符

一人欽有道萬邦式作孚日御馳東陸星躔麗明都
任養歲功始敦牂

帝治敷緝熙不顯德祇遘無疆圖

令典三巡舉祥飈七萃驅仰惟

聖祖仁貽厥

文孫聖卷領握金樞垂衣融寶鏡錫羨莫與京昭登
未有盛永言宣

重光於茲覲各正展義以觀風施惠而行慶

積慶本敷天洪禧更卜年舊仰三台麗曾徵五緯連
西池綏福遠南邦望

幸先養

志移雲輅乘春拂華旃禹甸民樂只堯封俗熙然上
以成

聖孝下以廣

宸慈江河之所潤雨露之所滋

帝方慶燕喜人各慰鴻私既聽九如頌仍賡

萬壽詩

徵調曲

皇極建而庶績熙

帝絃愜而百度舉執鉉於億萬斯年輝輪於一十六
所將鍊石以補青冥乃屠鼈而達幽阻櫟檣莅麟鳳
之洲組練飛蓬萊之嶼造雲日必

躬必親釋昏墊爰居爰處山祇與水若效靈蛟室與

龍宮寫祐

河之流千里一曲海之大百谷相從德水則龍門浪
駛滄溟則鯁壑烟濃青浦總七埭之滙尖山當小壘
之衝指吳頭魁懸三象臨越角

乾御六龍登高乃於以望遠治水卽所以明農疇咨
於丹圖綠帙永清兮水伯川宗

商調曲

大君首出執契而持衡羣工翼若懷情而聲誠嘉謨

嘉猷入告佐

昇平之綱之紀惟憲福蒼生

時巡所歷欽哉省乃成在位式序直哉惟其清千里
耕稼人築甘棠城十聯幕府風生細柳營是以譽處
通

上下之情莫不率俾樹遐邇之聲

帝曰咨汝四岳能安民亦越詢茲黃髮爲世臣或賦
逐初自怡松菊徑或介眉壽就養薜蘿身便蓀有錫

重來邀

帝寶存問頻加共仰自

天申濟濟多士感奮慶

昌辰亶亶文王

旁求咏嘉賓

天子親題一朝充箭筈經生拜獻萬里攀龍鱗

黃屋迎時風雲際其會

翠華幸處草木逢其春

羽調曲

盛世麟遊鳳噦

皇儀王軌金羈車馬旣閑旣庶南風之薰之時道四
達而不悖令五車而先期供頓毋煩植援扈從毋擾
編籬撤綵綳與燈幔颺羽葆與牙旗小人樂得其欲
聖人情見乎辭

損又損以求寧安益安而伴與春曉初看燕翔雨霽
正聞鳩喚華萃卧鹿芳郊紅蓼印龜錦岸百廿金支

秀華十二高樓甲觀才過桑柘之陰剛及梅桃之半
五年翹首

虞巡四野齊歌夏諺

角調曲

諺曰吾王一遊一豫詩云君子來旬來宣蠲租以賜
太倉之粟省斂以分少府之錢作解揚巽

恩從雲表緩秋空夏

澤沛日邊斲雕爲樸而敦古處去華從實以爲民先

慶小人之樂樂利利頌王道之蕩蕩平平洛水披圖
昭哉舜日河庭馭馬永矣堯年

維江南北斗之域維瀾西東雲水之鄉紫陌青達
一條

輦路層譙翠阜三觀

龍驤施罔融風花明柳暗敷霑彩露水宿烟翔老幼
扶攜葵心向日歌舞前後鴈羽隨陽豈惟民哉莫不
咸若無非事者休有烈光萬年永錫登春之福百辟

同慶復旦之章

聖駕三巡江浙樂府十八章

謹序

曹仁虎

皇上御極之二十有七載太和翔洽民物恬熙天符

地寶應期畢至迺順江浙臣庶之請恭奉

皇太后安輿三舉

南巡典禮

輦道所經行慶施惠

慈禧廣被萬衆同歡更於觀風之次周視海塘相度

河堤凡爲民生計安全謀莫麗者靡不備舉懿
鑠哉古未有也臣以非材於丁丑歲恭逢

大駕南巡

御試詩賦

恩擢中書今復選列席常仰觀

盛典其爲鼓舞忭悅倍萬恒情不揣謏陋謹撰樂府
十八章拜手稽首以獻

五載

巡協昌期法斗車占四維天道再闡

帝則之維勾吳於越物齎地大羣情熙熙飫我

渥澤普汜弗遺延頸翹踵歷歲時悃枕上告

聖主知迺

命羲和練日秩宗陳儀孟陬之月陽氣滋蕓葉十二
生

彤墀條風隔夜吹春枝銅龍曉闕騰赫曦茸髦闕戟
斑陸離升

玉輅蔭華芝護月御驅雲師魚魚雅雅揚九旗匪居
匪康以福我蒸黎

石五載

巡一章二十六句

卿雲紉縵載啟

璇居我

皇巡省奉

大安興八神警蹕蒼靈奉塗觀民設教以孝爲模一

日三朝

彤幄是趨

慈顏載色笑羣生盡恬愉迺推

恩錫類俾我士女各各登華胥

金根所至陽和俱寶日皚皚風歛歛

壽國之樂安以舒陳九頌効三呼輦坤維集瑞符

右奉

大安一章二十一句

翠華來燕南路虹橋水鏡涵春渡

六飛初駐令節逢上元燈火陳

行宮青旂影裏傳柑讌已覺韶光轉芳甸魚龍作隊

百戲張鞦韆小部來天方清宵雪霽銀蟾上正好

慈闈行慶賞金枝火樹相向明首春有兆占三登踏

歌處處傳昇平東郊計日待

省耕歛籥曲擊鞀聲

聖世之樂同吾恨

右

行宮讌一章十八句

方山崩施汶水冲泐

鸞輅順動以揚仁風載循左海澤及民農于齊于魯
于岱之東馳道所歷萬姓雍雍周覽原野審咨疾苦
爾厘爾暇各復爾所神倉載發餘二脯登之衽席復
摩撫如天之

德大且溥沛然應候降甘雨炊煙青青田廡廡西疇

喜聽鳴蒼鴈憚人舒饑人酺慶盈寧跂而舞

右澤左海一章二十四句

詔蠲租徧下國自冀交青徐至於揚州罔不大降澤
由來貢稅有常職納總納枯盡禹迹江東更號財賦
域龍鱗繡壤最饒益自逢

天仗遠巡歷絲粟何曾費供億屢邀

溫旨廣布德十三十五減厥額或更盡免出常格春
歡雷動到蒼赤由庚崇邱豐稼穡六導之禾雙歧麥

男子力作婦供蠶織不識不知順

帝之則

帝曰丕休哉與民共保息

右

詔蠲租一章二十二句

南國樂風土厚宅星紀應牛斗曼曼綿綿包靈孕秀
河淮迤以北控瀾水滙以南趨長江九派來縈紆東
赴瀛海水所都連峯盤鬱或嵒或岨厥田下下今爲

上腴商通縑賄士服詩書蕃衍茂育集於雄區山川
到處爭獻祥

蹕路指顧提封長羣生應候迎青陽南國之樂樂且
無疆吾民何幸屢覲

天子之光

右南國樂一章二十四句

有來求章守土羣吏迎郊除道後先屈止我

皇接之如一體諮詢及民隱靡間鉅與細課爾政事

却爾黷黷敷言述職惟爾試入疆有慶徧爾

賜晉爵各一階微旨悉貸賞臣工拜

龍光報稱愧無自煌煌

天訓式示有位無小無大民牧攸寄謀吾民樂利釋
吾民疵戾三德宣六廉計庶效古循良贊我熙和治
右課羣吏一章二十五句

擊壤老髮皤皤桑間橘下傳謳歌歡然鼓腹飲太和
幸逢

玉鑾清蹕過洗腆樂事春來多尚方文帛輕且柔長
生之脾

賜精鏐婆娑醉舞夾道周告圖五老同遨遊就中更
有耆英輩衣冠曾入香山會矍鑠眉盡人瑞

天顏咫尺

天語溫林泉重復熙陽春相將共酌康衢尊生當唐
虞世稠疊邀

皇仁維吾

皇之仁維

聖母之恩

右擊壤老一章二十句

外蕃臣徠西極款玉關歸

帝德侍

鳳蓋扈

鸞旂指江城路逶迤古來月竈之部遠隔荒裔憑假
介嶮幾曾稟朔受吏自從

皇清文獻通考卷一百一十三
大化通八垠鑠錫君長爭來賓筠冲墨克隸在版籍
及洛鄔哈烈咸入覲

紫宸踰沙軼漠不計里蕩蕩直接濛池濱茲行親見
南土鉅麗民氣和樂睟胎膜拜隨清塵歸語我種落
中國有

聖人同修我莖幣長作僕與臣

右蕃臣來一章二十七句

大海東望漫漫越中萬里安瀾

皇巡親駐和鑾鹽倉俯枕重溟巨防鎖鑰是憑土沙
順逆殊形

聖心相畫維勞水村指顧迢遙健策更待芻茭尖山
塔山崔嵬怒潮百折滌洞有隄橫截波隈長天一綫
凌空豫籌伐石鳩工屹然砥柱爭雄滄壖高下咨諏
保障悉奉

宸猷朝宗爲奠洪流從今利賴羣黎平成底績永貽
千秋視此豐碑

右海安瀾一章二十一句

天文煥層霄日月同照臨湖山徧經歷契我

仁智襟萬幾日理餘分陰更挾竹素宣清吟九成鈞

廣聲愔愔以官以徵鏗璆琳高詞配夏碣古調諧虞

琴

文思本天縱不忘銘與箴勤民宵旰有至意字字二

典三謨心侍臣思屬和莫從蠡管窺元音吳峯高越

川深雲霞爛爛輝千尋三題

睿藻式藝林

右

天文煥一章二十句

臨軒試集俊英雍容羣雅歌承平停翠旂啟

黃幄簪毫橐筆來相屬暑夏曲賚般詩

九重授簡陳新詞竹箭良瑤琨美東南文學逢嘉會

慈榜闢薇垣開

德音一日傳草萊鷁鴻振羽升

金階遭逢曠典拜手偕作人之澤洪無涯

右

臨軒試一章十八句

帝心好生矜慎庶獄謂彼愚罔知其何能穀減刑有
詔傳於

行幄乘和布令用敷厥福如雷雨之作解澤斯沃大
江兩岸風行速訟庭花落閒春贖依依草長園扉綠
歲時讀法以糾以勗爾父爾兄維孝友嫻陸量量革

面民相率歸醇俗蹈德而詠仁於變從所欲

右

帝好生一章二十一句

油油垂天雲流澤徧八區

宸遊廣行慶萬彙同沾濡臣庶絡繹環

金車各給爾欲隨所須雍雍泮林士鼓篋橋門趨子
衿廣增置樂我文教敷亦有解組臣就瞻來道隅蘭
縑與文錦捧出榮鄉閭戎行列隊擁篲驅載錫之饌

酬其劬銜

恩更徧行旅徒關梁無禁隨江湖乃知

聖皇德大擴六合小不遺一夫一夫無不獲

皇心庶其愉

右廣行慶一章二十二句

崇儉德

訓屢申觀風展義惟古制是循既發庫藏既留倉囷
供頓儲侍弗以煩吾民治本在簡約風俗期共敦土

府木府轅門旌門毋舍舊謀新毋棄質趨文璇館勿
築瑤卮勿飾綵舫勿陳茅茨太素師堯仁盡使山水
呈天真布告岳牧臣各修平乃守敬乃職事罔或不
式遵子來兆姓何欣欣銀燈繡幔道左分
帝命趣止之用返爾樸還爾淳

右崇儉德一章二十七句

黃河水春汪洋天邊九折連星潢

至尊奠河渠授河臣治方岩堯高堰橫南邦指視闕

鍵堅隄防維洪澤湖蓄清敵黃建旣順導歸海江清
口闢後流湯湯村有沒民去大少主肯可妾彭城鄉
因時分洩

睿算詳決排疏濬集衆議要知獨斷歸

當陽乘橈乘輜禹德共長通萬國舟航開沮洳農桑
靈瀆獻瑞騰榮光

右奠河渠一章二十一句

迢迢

孔林聖人之宅

萬乘回鑾里門是式載行展謁祀典有秩樂舞告具
于楹于墀巍哉丹壁如聞金絲登降九拜隆威儀鬱
鬱者檜蒼蒼著麟書黃玉文在茲徘徊仰止深

睿思升堂入室盛容旣備辟公胄子奔走在位茲來
五度迎

雲旆杏壇重疊光華被維聖體道斯拔萃維

皇建極統萬類以

聖弊聖本一揆

右

謁孔林一章二十三句

六龍發兮瑞雪霏

六龍迴兮薰風生江臯紆軫順時

巡行中外視福黎庶歡騰匪私於南土維

祖烈之承百禮旣秩言歸

神京羣寮濟濟頰首拜迎乃

躬迓

慈聖扶

鸞輶四方來賀若東鵲西鰈南琛北賁莫不陳

彤廷

壽康燕喜茂祉誕膺如山如川如日月之升恒珠囊

玉燭昭庥徵

皇帝萬年道德太平

右

六龍迴一章二十四句